

آبونه شرائطی

داخلی، خارجی، هر راجحون
سنه لکی (۲۵۰)، آلتی آیلنی
(۱۳۰) غروشدور.

نسخه سی ۵ غروش،
سنه لکی ۵۲ نسخه در

اداره خانه

باب عالی جاده سند و اثره مخصوصه
اخطارات

آبونه بدلی پیشیندر

مسلكه موافق آثار مع المنونیه
قبول اولتور، درج ایدله یین
یازیلر اعاده اولونماز

والله یهدی من یشاء الی صراط مستقیم

محمد عاكف

اشرف ادیب

صاحب و مدیر مشول

باش محرر

دینی، فلسفی، علمی، ادبی هفته لقی مجموعه اسلامیة در



المجلد الثانی

اخطارات

ادرس تبدیلنده آیریمجه بش
غروش کوندورلمیدر

مکتوبلرک امضالری واضح
واوقوناقلی اولسی و آبونه صره
نومروسی محتوی بولنسی
لازمدر

عمالیه اجنبیه ایچون آبونه اولانلرک
آدرسلرینلرک السزجه ده یازلسی
رجا اولتور

کوندورلدیکی زمانه نهیه دایر
اولدینی واضعاً بیلدیرلسی
رجا اولتور

اتبعون اهدنم سبیل الرشاد

عدد : ۴۶۲

۱۱ رجب ۱۳۳۸

پنجشنبه

۱ نيسان ۱۳۳۶

جلد ۱۸

غرائق مسئله سی حقنه

دارالحکمة الاسلامیة افغانستانیہ راسم افتدیک فطای عظمی

— ۵ —

غرائق قصه سنك رواية ودرایه عدم صحتی اثبات ایتدكندن صكره بوباده موجب شبهه و تردد اولان آیات كرمه نك معانی جلیله سنی ایضاح ایدم جكمزی ده وعد ایتشدك . بوریه قدر سرد ایلدیکمز دلائل عقلیه وقلیه قصه نك عدم ثبوتی ، عدم صحتی حقنه هیچ بر شبهه بر اقایور . سلفدن ، خلفدن بوكا قائل اولانلر بولونسی قطعاً قصه نك صحتی اثبات ایدم . چونكه سلف ، خلف — حتی دینده كمی نه قدر بوكسك اولورسه اولسون — هپسی خطا ایدرلر ، هیچ بریسی معصوم دكلدر . ذلل وخطادن ؟ بالخاصه تبلیغ عن الهمده ؟ معصوم اولان ، كندیسه شیطان یا قلاشامایان ، كندیسه شیطانك فائق القا ایدمیه چكی دلائل قطعیه ایله ثابت اولان بر ذات وارد ، كه اوده آنجق خاتم رسل صلی الله علیه وسلم افندمز حضرتلری در . [۱] آرتق ، بیله مزكه : آیات قرآنیه نك ، احادیث صحیحه نك شهادتلری وامتك اجماعی ایله هر تورلو ذلل وخطادن معصوم اولدینی ثابت اولان مفخر موجوداتك القاء شیطانی به — حاشا ثم حاشا — معروض قالدینی ، الله كلامیه شیطان كلامی فرق و تمیز ایدمیه چك قدر خطایه دوشدیکنی ، هر آن خطایه معروض بولتان بر طاقم غیر معصوم كیمسه لرك سوزلریله ، اثباته قالقشقم نه قدر منطقی در ؟ حقایق ریاضیه درجه سنده اولان دلائل قطعیه عقلیه به قارشى — عینی نسبتده قوتی حائر بولونیمان — روایاتك نه اهمیت اولور ؟ شبهه یوق كه (۲۵ = ۵ × ۵) اولدینی بیلمه ین یوق در ! بویله ایكن [۲۵ = ۵ × ۵] در ؟ چونكه دنیانك اك مشهور ریاضیونندن فلان ذات بویله سویله مشدر [دینه چك اولورسه بوكا ذره قدر اهمیت ویرن اولورمی ؟ . بوكا اینامق مختل الشعور اولق دیمك دكلی در ؟ .

بوناصل بویله ایسه موضوعمز اولان مسئله ده بویله در . حضرت پیغمبر صلی الله علیه وسلمك عصمتی عقائد یقینه دن در . دلائل قطعیه و براهین عقلیه ایله ثابت در . امت ده بونك اوزرینه اجماع ایتشددر .

[۱] واعلم ان الامة مجمعة على عصمة النبي صلى الله عليه وسلم من الشيطان وكفایت منه لا في جنسه بانواع الاذى ولا في خاطره بالسواس وقد اخبرنا القاضي الحافظ ابو على رحمه الله قال حدثنا ابو الفضل بن خيرون العول حدثنا ابوبكر البرقاني وغيره حدثنا ابو الحسن الدارقطني حدثنا اسماعيل الصفار حدثنا عباس الترقفي حدثنا محمد بن يوسف حدثنا سفيان عن منصور عن سالم بن ابی الجهم عن مسروق عن عبدالله بن مسعود قال قال رسول الله صلى الله عليه وسلم ما منكم من احد الا وكل به قريته من الجن وقريته من الملائكة قالوا وایاه یا رسول الله قال وایای ولكن الله تعالى امانی علیه فاسلم . زاد غيره عن منصور فلا يا مصرفي الاخير .

وعن عائشة بعناها روى فاسلم بضم الميم . اي فاسلم انا منه . و صحیح بمضمون هذه الرواية ورجعها . وروى فاسلم بمعنى القرين . ومعنى اسلم انه انتقل من حال كفره الى الاسلام فصار لا يأمرا الا بخير كالملك وهو طاهر الحديث . ورواه بمضمون فاسلم . قال القاضي ابو الفضل وفقه الله فاذا كان هذا حكم شيطانه وقريته الملسط على بن آدم فكيف بمن بعد منه ولم يلزم محبته ولا اقدر على الدنو منه . — شفاء شريف —

شیمدی بویله بر حقیقته قارشى فلان مؤلف بویله سویلیور ؛ فلان مفسر بونی یازهور دیمك قدر منطقسزاق ، بو درجه حماقت تصور ایدیلیرمی ؟ . دلائل قطعیه و براهین عقلیه ایله ثابت اولان بر مسئله به مناقض اولان نقللر ؛ هانکی طریق ایله وارد اولورسه اولسون ؛ هیچ بر صورتله شایان قبول دكلدر . بونك ایچون دركه علماء اصولیون بو صفت اوزره اولان خبرلرك یالان اولدینی كسیدروب آتمشلددر . خبر آحادك باب اعتقادده معتبر اولمامسی ده بوندن دكلی در ؟ . هم نه حاجت ! حدیث وضع ایدنلرك احوالی تدقیق ایدیلنجه بك واضح بر صورتده آكلاشیلیوركه : بر حدیثك شایان قبول اوله بیلمسی ایچون بالكنز سندیك قوت وضعفه باقق کافی دكلدر . بونكله برابر شریعتك قواعد عامه سینه ، دینك عقائد صحیحه سینه انطباقی وسائر كبی امور اخرایه مراعات ده واجب در . قرآنه منطبق ، انبیانك عصمت و نزاهتنه لایق اولمایان روایتلر هیچ بروقت قبول ایدیلرمز ؛ قبول ایدیلرملك واجب در ؛ اوکی روایتلرك سندی ایستر مطعون اولسون ، ایستر اولماسون . سند متصل ایله ذكر ایدیلن حدیثلر حقنه حال بویله اولونجه آرتق بوكی مسئله لرده حدیث مرسلك نه قدر قیقمق اوله جغنی دوشونك بیله لازم دكلدر . بناء علیه ابن حجر کی بعض ذواتك — عددلری بیکلره بالغ اولسه بیله — بو باده کی سوزلری — بهوده بره قصه نك تصحیحنه چالیشمش اولملری — ذره قدر حائر اهمیت اولاماز . بزه دوشن ، كندیلرندن صدور ایدن شو عظیم زله دن طولانی ابن حجر وامثالی جناب حق عفو و مغفرت ایلسون ، دیوب كچمكددر .

شمدی آیتلرك تفسیرینه نقل کلام ایدیورز . [۲]

اولا شونی سویله لم كه : غرائق قصه سنك ثبوتنه قائل اولمق ایسته ینلرك چوقلری سورة حمده کی « وما ارسلنا ... » آیت كرمه سندن آلدانیورلر ؛ ناصل كه راسم افندی ده قصه نك عدم ثبوتی بو آیت كرمه لر ایله توفیق ایدمیدیکی ایچون مفخر موجوداته زله اسناد ایتك مجبوریتده قالمشدر ... آیتك سیاق و سباقی بر آز تدقیق ایتك زحمتی اختیار ایتكیزین معنا ویرمك ایستر ایكن اویله بر خطا ارتكاب ایدیورلركه ، عادتا تعمیری غیر قابل در . کویا بو آیتلر — خاتم رسل ده داخل اولدینی حالده — بتون پیغمبرلرك تسویلات شیطانی به قابیلدقلری ناطق اولیورمش . فقط الفاظك متحمل اولدینی ، عباراتك صحیح بر صورتده دلالت ایلدیککی وجه اوزره آیات جلیله تفسیر ایدیلنجه هیچده بویله بر معنا اكلایشلماز .

[۲] آیتلرك تفسیرنده اك مدقق مفسرلرك فکریلری کوزده کچیرلش ، بالخاصه اعظم علمای اسلامیه دن ، وغول مفسرین دن آلوسی مرحوم ایله مصر مفتیسی شیخ محمد عبده مرحومله بومسئله حقنه کی ایضاحات مدققانه لری اساس اتخاذ ایدلشدر . مرحوم مشارالیه بوقصه حقنه غیر مسلملر طرفندن وقوع بولان برسؤال اوزرینه آیات کرمه کی ازهمده بیکلرجه علما و فضلا و بر جوق غیر مسلم محررلرك حضورنده بك واقفانه بر صورتده تفسیر ایتش و حتی بونكه اوزرینه بر غیر مسلم ده اوچلشده در حال مسلمان اولمشدی . مرحومك بو ایضاحاتی غیرته لرده نشر ایدلیدیکی کی « النار » طرفندده فاتحه تفسیری ایله برلکده طبع ایدلشدر .

اوت، لغت عربیہ کی اکلایان، قرآن دن جزئی بر شی اوقویان
 ہرہانکی برکیمسہ اوزرینہ خفی دکل درکہ: «وما ارسلنا من قبلك من
 رسول ولا نبی، نظم جلیلی بالجلہ انیا و مرسلینک امتلری طرفندہ
 - حکمہ - معروض قالدقری ہرکسجہ معروف بر طاقم حالاتی،
 و امتلرینک نہ فطرتہ اولدقربی کوستریور، اگر غرائق قصہ سنک
 نبوتہ قائل اولانلرک دیدکاری معنایہ صحیح نظریہ باقہ حق اولورایسہک
 آیات جلیلہ نک معنای شومیک اولہ حق ایدی: «بالجلہ انیا و مرسلین
 اوزرینہ شیطان مسلط اولہرق کندیلرینہ منزل اولان «وحی» ی
 قاریشیدردی، کلام الہی اولیان شیلری اونلرہ «وحی منزل» کی
 کوستردی، لکن بوندن صکرہ جناب حق شیطانک وحی الہی بہ
 قاریشیدردینی کلامی نسخ ایدوب کندی آیتی تحکیم ایلر!،

هیچ شبہ یوق کہ بو معنا، جناب حقک اختصاص الہیسنہ مظهر
 اولان، و معصومیتلری براہین قطعہ الہ ثابت بولان انیاسی حقندہ
 تصور ایدیہیلہ جک چیرکینلکک الکیوکی در، انیا حقندہ بوندن دہا
 قییح برشی تصور اولہماز، بناء علیہ بز بو ہدایانی براقم دہہ صدہہ
 رجوع ایدہلم:

معلوم بر حقیقت درکہ، قرآنک بعض آیتلری یکدیگری شری
 وایضاح ایتکدہ در، بواعبار ایلہ: «وما ارسلنا من قبلك من رسول...»
 آیت کریمہ لرینک معنای ایشاح ایچون بونک ماقبلہ دوغرو ارجاع
 نظرایتمہ من اقتضا ایدر، بو آیتک ماقبلدن اکلاشیلورکہ: رسول اکرم
 صلی اللہ علیہ وسلم افدمن قومہ اوامر الہیہ فی تبلیغ ایتدکجہ اونلر
 ذات نبوتناہیلرینی تکذیبہ قیام ایدورلر، ہر تورلو سفسطہ و مغالطہ
 ایلہ مجادلہ جالیشیورلر؛ رسول اکرمک تبلیغاتی تحریف ایدرک
 مقصودی خلاقہ برطاقم اشاعتہ بولہرق خلقی کندیسندن تنفیرایتک
 ایچون عادتنامساقہ ایدورلردی، حضرت پیغمبر بالطبع بوکی احوالدن
 زیادہ سبلہ متأثر اولورلری، حال بوکہ یالکیز حضرت پیغمبرہ مخصوص
 اولمایوب بالجلہ انیای عظام حضراتی دہ عینی حالہ معروض قالمشردی،
 ایشہ جناب حق بو آیت کریمہ لر ایلہ بوتون انیا و مرسلینک معروض
 قالدقری حالی نیسنہ حکایہ ایدرک قلب رسالتناہیلرینی تسلیہ ایدور،
 بناء علیہ آیتلری صیرا ایلہ کوزدن کچیرہلم: «وان یکذبوک فقد کذبت
 قبلہم قوم نوح و عاد و ثمود و قوم ابراہیم و قوم لوط و اصحاب مدین
 و کذب موسی فاملیت للکافرین ثم اخذتهم فکیف کان نکیر... قل
 یا ایہا الناس انما انالکم نذیرمین، فالذین آمنوا و عملوا الصالحات لہم
 مغفرة و رزق کریم، والذین سمعوا فی آیاتنا معاجزین اولئک اصحاب الجحیم،
 و ما ارسلنا من قبلك من رسول ولا نبی الا اذا تمی القی الشیطان فی امنیتہ
 فینسخ اللہ ما یاقی الشیطان ثم یحکم اللہ آیاتہ واللہ علیم حکیم، لیجعل
 ما یلقی الشیطان فتنۃ للذین فی قلوبہم مرض و القاسیۃ قلوبہم و ان الظالمین
 لفی شقاق بعید، ولیعلم الذین اتوا العلم انہ الحق من ربک فیؤمنوا بہ
 فتتخبت لہ قلوبہم و ان اللہ لہاد الذین آمنوا الی صراط مستقیم، ولا یزال
 الذین کفروا فی مریۃ منہ حتی تأتیہم الساعۃ بغتۃ او یأتیہم عذاب یوم
 عقیم»

کورولیورکہ: جناب حق انیای سابقہ نک دہ امتلری طرفندن
 - قومک رسول اکرمہ یابدقربی کی - تکذیب اولوندقربی حکایہ
 ایتدکدن صکرہ قومی طرفندن معروض قالدینی اذا وجفادن، سفسطہ
 و مغالطہ دن متأثر اولمایہرق شویولہہ سویلہ مسنی امرایدیور: «ای ناس!
 بن آتیق، بولوندیغکز خالدن طولای معروض قالدجغکز عاقبتہ
 ہزی انداز، مؤمنلری دہ کندیلرینی استقبال ایدہ جک اولان نعم الہیہ
 ایلہ تشیر ایچون ارسال اولوندیم، مؤمن اولان و عمل صالح ایشلہ بن
 کیمسہ لر ایچون مغفرت الہیہ و نعم ابدیہ واردر، او کیمسہ لرکہ: ناسی
 طریق ہدایتہ ارشاد ایچون اقامہ ایلدیکم آیات وادلہ دن نظرلری تحویل
 ایتک ایچون اوغراشیرلر، اہل جدلک عادتلرندن اولدینی وجہلہ الفاظ
 ایلہ اوینامق، قائلک مقصدندن تحویل ایتک صورتیلہ: آیاتمزی بعضاً
 بوسجردد، بعضاً دہ شعر و یا اساطیر اولین در دیرک طعن و تشنیع ایلہ
 فساد، مؤمنلری سوزدن اسکات ایچون مساقہ ایدرلر، ایشہ بوضال
 و مضل حریفلر آتیق اصحاب جحیم در،

بوندن صکرہ جناب حق، نبی صلی اللہ علیہ وسلمک قومی طرفندن
 مبتلا اولدینی بومعاجزہ ایلہ، بومعاندہ و مغالطہ ایلہ بالجلہ رسل و انیای
 سابقہ نک دہ مبتلا قیلندینی افادہ ایدن: «وما ارسلنا» آیات کریمہ لر ایلہ
 تعقیب ایدیور، ہرہانکی بر امتدہ نبی بعث اولومش ایسہ، اولک
 ایچون تأویل و تحریف ایلہ اذا ایدن، امانیسہ تضاد تشکیل ایدن،
 ایستہ دیک شئی ایلہ کندیبی بیتہ - بولہ القا ایلہ دکری اثرات ایلہ
 حائل اولان محاصملر اولدینی سویلیور.... بناء علیہ بالجلہ انیانک
 ملاقی اولدقربی شواحوالہ موافق اولان معنایہ کورہ آتی تفسیر ایتک
 لازم در، کہ بودہ ایکی صورتلہ اولہ حق در:

۱ - «تمی» قرأ، «امنیہ» قرائت معنایہ اولمق در، شبہ یوق کہ
 آیت کریمہ بومعانی ویرمک صحیح در؛ لفظک بومعاندہ استعمالی
 واردر، تمی و امنیہ بو معانی ویرمک صحیح اولمقلہ برابر «القا»
 غرائق جیلرک ذکر ایتدکاری معنایہ اولمایوب بلکہ «القیۃ فی حدیث
 فلان» سوزدن اکلاشیلان معنایہ در، بوجہلہ نک معنای ایسہ: متکلم
 مراد ایتہمش اولدینی خالدہ مرادی خلاقہ اولہرق لفظک آزچوق
 محتمل بولوندینی شئی حدیثندہ ادخال ایتدم؛ یاخود - نتیجہ اعتباریلہ
 بودیمک در دیرک - سویلہ مدیکی بر شئی اوکا نسبت ایتدم دیمکدر،
 بوالیسہ نفسلرینی حق ایلہ محاربہ وقف ایتمش اولان معاجزینک
 یاپہ جنی برشی در، اونلر دائماً شبہ بہ اتباع ایدرلر، موجب شبہ اولان
 شیلر پشندہ قوشارلر، بومعنا ایلہ القا اونلرک دأب و عادتلری در،
 ہرشی کہ اہل ضلالدن صدور ایدر، اونلرک شیطانہ نسبت اولونمشی
 صحیح در، چونکہ اہل ضلالک قلبلرینہ اونلری القا ایدن شیطان در،
 ایشہ اعظم مفسرین دن آلوسی و شیخ محمد عبدہ مرحومک دہ ایضاح
 ایتدکاری وجہلہ انیا و مرسلین آیات الہیہ دن برشی قرائت ایتدکاری
 وقت اونلرک قرائتندہ شیطان اولیاسنہ شبہ و تخیلات القا ایدیور،
 اونلری باطل بر صورتدہ مجادلہ بہ، انیانک کتیرمش اولدقربی

شیرای رده قیام ایستد یوردی . مثلاً رسول اکرم صلی الله علیه وسلم : « حرمت علیکم المیتة ... » آیت کریمه سنی تلاوت ایدنجی شیطانک القا ایلدیکی شیهلر ایلله اولیاء شیطان هان قیام ایدرلر و « محمد کندی ذبیحه سنی حلال قلیوردی اللهک ذبیحه سنی حرام قلیور » دیرلردی . کذلک « انکم وما تعبدون من دون الله حصب جهنم » آیت کریمه سنی تلاوت بیوردقلری زمانده : « عیسی وملائکده عیددر . الله دکلدر . اوخالده بولردی حصب جهنمدر » کی هدیاندی بولورلردی . بناء علیه القاء شیطانک اولیاسنک وسوسه سنیدر . ذاتاً قرآن کریم شیطانک مؤمنلره مجادله ایتلری ایچون اولیاسنه « وحی » ایلدیکنی سولیلور : « ان الشیاطین لیوحون الی اولیائهم لیجادلوکم » وکذلک جعلنا لکل نبی عدواً شیاطین الانس والجن یوحی بعضهم الی بعض زخرف القول ضروراً »

بولله اولونجه : « وما ارسلنا من قبلك من رسول ولا نبی ... » آیت کریمه سنک معناسی . شو صورتله ایضاح اولنور : « حیم ، سندن اول نه قدر رسول ، نه قدر نبی کوندرمش ایسه اونلرک هیمده امتلرینه - ریلری طرفندن - رش سولله دکری ، یاخود کندیلری هدایتیه سوقایدن وحی الهی بی تلاوت ایلله دکری وقت اونلرک قارشینه برطاقم فتنه چی کیمسه لر چیقارک او قودقلری شیئی معنای مقصوددن تحویل واونک سولله مدکرینی کندینه اسنادایتیلر ؛ ناسی کندیسندن تنفیر وتبعید ایتک ، اونک دعوت ایلله دیکی بره کیتمکدن چویرمک مقصدیلله بواکاذیبی بین الناس نشر ایتیلر . صکره جناب الله ، حق احقاق واطهار ، باطلی ابطال ایدردی . انبیا ایسه بواکاذیب وارجیفه ، امتلری طرفندن معروض قالدقلری بواذیه قارشى دائماً صبر وثبات کوستردیلر ، سبیل حقده مجاهده ایدرک معجزلرک تعجیزینه ، مستهزیلرک استهزالیینه قطعاً اهمیت ویزمدیلر . مجاهده ایلله حق اطهار ، مجادله ایلله باطله غلبه وجناب حق اوشه لرلی نسخ واصولندن قلع ایدرک کندی آیتنی تثبیت وتقریر ایدنجیه قدر انبیا بویولده دوام ایتیلر . انسانلر حقده جاری اولان شوسنت الهیه نک وضعنده کی حکمت الهیه ، خیت ایلله طیبک یکدیگرندن تمیز ایتیمی ایچوندی . بو صورتله خیت طیبدن تمیز ایدر ، قیلرندی مرض شک وشبهه اولان ضعفاء عقول ، زمره منافقین اوشه ووسوسه لر ایلله ضلاله دوشر واونلرک بشندن کیدرلر . قلوب قاسیه اصحابی اولان اهل عناد ، اهل شرکده بو شبهلره افتتان واونلری سندن اتحاد ایدرک مجادله لرندی اوشه اوزرینه اعتماد ایدرلر . صکره کندیلرینه علم ویریش اولانلر نظرندی حق تجلی ایدر ، حق قارشى وارد اولان هر شبهدن صکره کندیلری ایچون حق برقات ده تظاهر ایدر ؛ موجب شبهه اولان او شیتک ربک طرفندن کوندرلمش حق اولدیفنی بیلیر وتصدیق ایدرلر ؛ اوکا قارشى قیلرندی سکوت واطمئنان حاصل اولور . (کندیلرینه علم ویریلر ، رهان قاطع ایلله مغالطه وسفسطه بینی تمیز قوتیه صاحب اولانلردی .)

ایشته آنجق کندیلرینه علم ویریلن بودوات کرامدرکه ایمان ایتشلر وجناب حقده کندیلرینی درضرو بولله هدایت ایتشدی . وهم ومغالطه نک بولر اوزرینه سلطه وتحکمی یوقدرکه کندیلرینی هیچ قویمدن ، صراط مستقیمدن انحراف ایتدیره بیلسون ؛ کافرلر ، که عقللری ضعیف ، قیلری مرض اولانلر ، یاخود اهل عناد ، رؤسای باطل ، حق قارشى بصیرتی قیامش اولانلردی ؛ بولر دائمی صورنده حق ، کتابه قارشى شبهه وتردد ایچنده درلر . عقللرندی قطعاً استقرار یوقدر . شونلرینک تصرفاتنده اوکا رجوع ایتزلر ، ساعات هلاکری بردن بره کلوبده ریلری عنندن حسابلرینه ملاقی اولونجهیه قدر اولنر بو عناد واصرارلرندی دوام ایدوب کیده جکلردی »

بو آیتلرک مناقبی سورة آل عمرانده واقع شو قول الهی به نه قدر یقیندر : « هو الذی انزل علیک الکتاب منه آیات محکمات منه ام الکتاب و آخر متشابهات فاما الذین فی قلوبهم زیغ فیتبعون ما تشاء منه ابتغاء الفتنة وابتغاء تأویلوه وما یعلم تأویلوه الا الله والیر اسخون فی العلم بقولون آمانیه قل کل من عند ربنا وما یدکر الا اولوالالباب [۱] . » بوندن صکره جناب حق دییورکه : « ان الذین کفروا لن تغنی عنهم اموالهم ولا اولادهم من الله شیئاً واولئک هم وقود النار ... » ، « قل للذین کفروا استغفرن وتحشرون الی جهنم وبئس المهاد »

کویا قرآنک بعضیمی دیکر بعضیسنی شرح ایللور . بو آیتلرده قیلرندی « زیغ » اولانلرک آیات قرآنییه نک محکماتی براقوبده دایماً برطاقم شبهاتک آرقه سنده طولاشدقلری تصریح ایدیلور . قیلرندی « زیغ » اولانلر ، قیلری مرضلی وقسوتلی اولان کیمسه لر دیمکدر . علمده رسوخ یولانلر ایسه ، کندیلرینه علم ویرلمش اولانلر ، علمدن نصیبی بولانلردی ، که بولر صریلرندن کلن هر شیتک حق اولدیفنی بیلیر وهیبتک طرف الهیدن اولدیفنه ایمان ایدرلر . اوکا قارشى قیلرندی سکون واطمئنان حاصل اولور . شبهه یوق که جناب حقده بولری صراط مستقیمه هدایت ایدر . فقط او کیمسه لرکه : تأویل ایلله افتتان ، قال وقیل ایلله اشتغال ایدرلر ، محکمات قرآنییه ایلله احتیاج ایتمکدن یوز چویرلر ، اموال واولاده اتکا ایدرلر ... ایشته اونلری جزای الهیدن هینچ برشی قورناره ماز ؛ بولره عن قریب اچلری یتشیر ، عمللری استقبال ایدر ؛ ایرکیج جزای سزالرینی بولورلر »

بو حله ، جناب حقک انسانی سعادت ایلله شقاوتی بینی ، موجودیتنی محافظه ایدن شیر ایلله ازاله ایدنلر آره سنی تمیز ایده جک بر مرتبه .

[۱] الله ، او ذات اجل واعلدرکه : سکا ، حیم ، کشاب کریمی انزال بیوردی ؛ او کتابک برطاقیمی آیات محکماتدر ، که آنلر ام الکتاب ، اصل الکتابدر . بر قسمی ده متشابهاتدر . قیلرندی حقدن زیاده باطله میلی اولانلر ، فتنه وتاویل فاسد طلیله قرآندن - محکماتی براقیرلردی - متشابه اولانه اتباع ایدرلر ؛ متشابهاتک تأویلی ایسه الهیدن باشقه سی بیلر . علمده راسخ ومتمکن اولانلر دیرلرکه : بز آکایمان ایتدک ، قرآنده محکم ومتشابه نه وارینه هیمسی ربک طرفندندر . ذاتاً تذکر وتعل آنجق اریاب عقوله مخصوصدر . اونلردن باشقه سی تعقل ایده منلر ... »

مؤکستدیکي کوندن بری بالجه انیا ایله امتلری حقنده جاری اولان بر قانون در . بناءً علیه آل عمران سورده منسوب اولان شو آیتلر ایله غرائیق قصه سی آره سنده ماضل بر مناسبتا یوقسه ، سورة مجده بولان آیتلر ایله ده بر مناسبت یوقدر . بو آیتلر ، عادتا یکدیگرینک شرحی کی در .

آقسه کیلی

احمد محمدی

تصحیح : اوچنچی مقاله ده قاضی عیاض مرحومک : « ولا شافعی داخل بعض شیطانی الانس والجن هذا الحديث على بعض مغفل المحدثین لیلین به علی ضعف المسلمین » عبارده سنی نقل ایدرایکن « مقام درایتدن غافل بعض محدثین » دینله جگه یرده سهواً بعض « مغفل محدثلر » دینلمش اولغله تصحیح کیفیت اولنور .



هلال اخضر جمعیتی

ایچکی به قارشی مجادله ایتک ، شرعاً ممنوع اولان بو ام الحباشدن مملکتتمیزی تطهیر ایتک اوزره شیخ الاسلام حیدری زاده ابراهیم افندی حضرتلرینک تحت ریاست عالیله رنده تشکلی ایدن هلال اخضر جمعیتک ایلك اجتماعنده ایراد اولونان نطقلر :

مظهر عثمانه بك افندیك نطقی

محترم افندیلرم

دینی ، طبی ، اجتماعی ، اخلاقی ، اقتصادی رفقالتی ازاله قصدیله عثمانلی طبابت عصبیه وعقلیه جمعیتک تشبثه شریک وهم راه اولوق اوزره دعوتمه احابت بووردیفکنز ایچون هیئت متشبهه نامنه عرض شکران ایلرم . جمعیتک ریاست فخریه لرینی قبول بووردقلری و حصوریله ایلك اجتماعمه رونق بخش اولدقلری ایچون ولی التعم افندی حضرتلرینه متتدار لغمیزی دفع و تقدیم ایدرم .

هلال اخضرک تشکلیدن غایه مننه اولدیغنی و بومقصدنه نه طرزده یوروپه جگمیزی تراکتکیزی سوء استعمال ایتمهک ایچون مختصر بر قاج جمله ایله عرضمه مساعدنه بووردیکلز هلال اخضرک وظیفه سی دین احمدی نك حاکم اولدیغنی وطنه بك ییابچی بردشمن اولان ایچکی ومکیفات ایله مجادله در . بومجادله نك صمیمی ، جدی ومعقول اولماسنی تأمین ایچون ، بوادریه بی مملکتتمزدن دفع ایتک وسالکالرینی و خصوصیه کنج نسلی بوبلادن قورتارمق ایچون جمعیت اجرای فعالیتنه باشلایور . هر جمعیت متشکلرندن بعض قواعدینه رعایت و حرمتی طلب ایدر . هلال اخضرده اعضاسندن هرشیدن اول ایچکی به قارشی صمیمی بر دشمنلق ، بشریت قارشی خیرخواه بردوستلق بکله ، بناءً علیه جمعیتتمز اعضاسنک ایچکی امساکنده بالذات شخصلریله نمونه امتثال اولماسی ،

عائله سی افرادینی بو سنجیه خصوصیتله تربیه ایتمه سی ، کوجی یتدیکی درجه ده تلقیناتله ، تدریساتله ، نشریاتله ، حتی نظاماتله بونی منعه چالیشماسی لازم در .

هلال اخضر عثمانلی طوبراغنده مساعیسنه برانکل بولمايه جغندن ، بالمکس مادتلرینک ، قانونلرینک ، آرزوی عمومی نك کندیسنه یاردم ایده جکندن امین در . دین مبینک نص قاطع ایله منع ایتدیکی بو داهییه بی جهلمز ، ادبیاتتمز ، کوره نکمز ، باشقه لرینی تقلیدتمز ، وسنجیه سزلگمز خلقتمزه مسلط ایتدی . قواعد دینه سی اوکرده ده . مدیکمز کویلی مزه وارنجیه قدر ام الحباشک چالیشسینی بیلمه یتر قالمادی . مملکتک بر صنف متفکری بوندن عار حسن ایتلی ونسلمیزی شرنندن قورتارمغه چالیشمالی یز . ایچکی نك دیناً حرام ، محضه فوق العاده مضر ، نسله قارشی تخریبکار ، اقتصاداً فلاکت ، نهایت پر لازمه مدینه دکله ، اجتماعاً و اخلاقاً چیرکین و عیب اولدیغنی خلقه آکلاعالی یز .

هلال اخضر مقصدینه یوزرکن کندیتنه بك چوق یاردیمچی بوله جق در . اوروپاده ملیونلرله خلق شرابچیلوق و ایچکی تجارتیه یاشادینی و دولتلرینک بودجه سندن آلان صرفیاتی شایان اهل اولمایان بر یگون تشکلی ایتدیکی ایچون مضرتهک آشکار اولسنه رغماً قطعی منعه کیدیه میور ، فقطه آمریکا بوتون بو فائده لری استحقاق ایدرک ایچکی ممنوعیتنی قطعاً قبول ایتدی . بزم مجلس مبعوثانمزه ایچکی بی مدافعه ایده جک مبعوث بولونورمی ؟ خلقتمزک حیاتی و اقتصادی هاسنه ایچکی یوزندن زنکین اولانلر کیم لردر . دیون عمومیه مزده اوچ کسور ملیون لیرا ایچکی وارداتی وارسه بوکا قارشی بك چوق چاره لر وارددر ، بو ویرکی بی دینلرینه و صحتلرینه حرمت ایتمکسرتن مسلمانلر تأدیه به مجبور طوتولاماز .

ایلك جلسه مزده ایچکی مسئله سندن بر عقیده اساسیه مزی عرض ایتهدن کچه میه جکم . عجا ایچکی به قارشی تام امساك طرفدار می ، یوقسه معتدل لره مسامحه کارمی اوله جغز ؟ بلاتردد امساك تام طرفدارلنی . بر چوق ایچلردن زیاده معتدل ایچلری اجتماعاً معاتب عد ایدیوروز . کیمسه آغزی یورنی بر پره قایمش ، دوشه قالفه یورون ، ایلریده بر جت مؤبدیه تحویل ایده جک بر سقالتله ایمره نرک ایچکی به آلیشاز . انواع مزه لرله سوسلی سفره لرله ، ایلك تنهک ویردیکی اغفالکار بدل کلام ایله ، کندی ذوقه سمیحانه محیطنی دعوت ایتمه لرله معتدل لردرک ایچکی نك پروباغاندا جیسی در . چیرکین ویا مضر برشی اولسه بو ذات ایچرمی ؟ دیه اطرافنده کیر آرقسنه قاتیلور . بو اغفال زده لره عاقبتی متنوع در . کیمی حال سیکرده یادیغنی بر خرمه شویه مدینه سندن دوشره ، کیمی کوزی قیزارق بهیمانه شهولله صالدرماسی نتیجه سی قایدینی فرنگی ایله کندیسنک وعائله سنک حیاتی زهرلر ، کیمی ده سقطه دماغله بر بیمار خانه ده جورور .

بناءً علیه کورده نك اولماق ، کیمسه بی ایچمهک تشویق ایتمهک ایچون امساك تام اساس در . اعضای کرام چه حرمت ایدیله سی ایجاب ایدهن